

Paasissutissanik piniarnermut atatillugu inatsisitigut tunngavissaqarnissaq qularnaarumallugu, takuuk ilanngussaq 1 formatimi nassuiarneqareersumi, kingusinnerpaamik UPA2018-mi siunnersuummik saqqummiusseqqullugit, Naalakkersuisut peqquneqarnissaannik Inatsisartut aalajangiiffigisassaattut siunnersuut. Ilanngussaq 1-mi taaneqartut paasissutissat eqqarsaatigalugit Naalakkersuisut peqquneqarput tamanit iserfigineqarsinnaasumik nittartagaliqqullugit paasiuminartunik naatsorsoqqissaakkanik katersanik imalimmik, tassani soqutinittut meeqqat atuarfiat pillugu paasissutissanik naapertuuttunik aallarsinnaalersillugit. Naatsorsoqqissaakkanik katersivik suliarineqassaaq meeqqat atuarfii ataasiakkaat naleqqiunneqarsinnaanngorlugit, imatulli sanallugu inunntut ataasiakkaanut paasissutissat pissarsiariniarneqarsinnaajunnaarlugit.

Inatsisartunut ilaasortamit Nivi Olsenimit, Demokraatit, saqqummiunneqartoq

pillugu

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap

Siunnersuutip aappassaanneernejarnerani saqqummiunneqarneranut

ISUMALIUTISSIISUTAA

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap suliarinninnermini ilaasortarai:

Inatsisartunut ilaasortaq Vivian Motzfeldt, Siumut, siulittaasuugallartoq

Inatsisartunut ilaasortaq Laura Táunâjik, Siumut

Inatsisartunut ilaasortaq Peter Olsen, Inuit Ataqatigiit

Inatsisartunut ilaasortaq Anthon Frederiksen, Partii Naleraq

Inatsisartunut ilaasortaq Debora Kleist, Inuit Ataqatigiit (sinniisoq)

Ulloq 16. maj 2017 UPA2017-imi siullermeerinninnerup kingorna ataatsimiititaliap siunnersuut misissorpaa

1. Siunnersuutip imarisaa siunertaalu

Meeqqat atuarfii ataasiakkat pillugit tamanit iserfigineqarsinnaasumik nittartagaliqqullugit paasiuminartunik naatsorsoqqissaakkanik katersanik imalimmik annertusaanissaanissamik Naalakkersuisut peqquneqarnissaat siunnersuuteqartup kissaatigaa, taamaattorli inunntut ataasiakkaanut paasissutissat ilanngunnagit. Inernileqarnissaat saqqummiunneqartussatullu kissaatigineqartut siunnersuummut ilanngussani takuneqarsinnaapput.

2. Apeqqutit

Ataatsimiititaliap siunnersuummik suliaqarnermut atatillugu Ilinniartitaanermit, Kultureqarnermut, Ilisimatusarnermut Ilageeqarnermullu Naalakkersuisumut suliaqarnerminut atugassatut apeqquteqarsimavoq. Ataatsimiititaliap apeqqutai Naalakkersuisullu akissutai isumaliutissiisummut uunga **ilanngussaq 1 aamma 2-llu** kakkiunneqarsimapput.

3. Paasissutissanik pissarsiniarluni pulaarneq

Ulloq 5. maj 2017 ilinniartitsisut kattuffiannut IMAK-imut paasissutissanik pissarsiniarluni ataatsimiititaliaq pulaarsimavoq. Tassani UPA2017-mi siunnersuutitut ataasiakkaanut IMAK-ip ilaatigut isummani saqqummiuppai, tamatumunnga ilanngullugu siunnersuummut uunga tunggassutillit. Taamaalilluni IMAK-imit saqqummiunneqarpoq meeqqat atuarfiani pissutsit pillugit ammanerulernissaq pitsaasutut isigineqartoq. Paarlattuanillu IMAK-imit erngumassutigineqarsinnaalluni iliniartitsisut meeqqallu atuanngitsoortarneri pillugit paasissutissat eqqarsaatigineqartumit allatut atorneqarsinnaaneri. Tamatumani pissutigineqarpoq atuanngitsoortarnermut patsisaasut takussutissani ilanngunneqartassannginneri.

4. Siunersiuineq

Ataatsimiititaliap siunnersuummik suliaqarnerminut atatillugu Ilinniartitaanermit, Kultureqarnermut, Ilisimatusarnermut Ilageeqarnermullu Naalakkersuisoq siunersiorsimavaa. Siunersiuinissamut aggeqqusissutip kiisalu Ilinniartitaanermit, Kultureqarnermut, Ilisimatusarnermut Ilageeqarnermullu Naalakkersuisup oqaasissaasa allattorsimaffiata assilinerat ilanngussaq **3-tut aamma 4-tut** ilanngunneqarput.

5. Siunnersuutip ataatsimiititaliamit suliarineqarnera

Siunnersuutip siullermeerlugu suliarineqarnera ataatsimiititaliamit tusaatissatut tiguneqarpoq kiisalu tamanna, qulaanilu ataatsimiinneq qulaani taaneqartoq kiisalu apeqqutit tunngavigalugit aalajangiiffigisassatut siunnersuut manna suliarisimallugu.

5.1 Paasissutissanik aallersinnaanermut aamma tamanut saqqummiussisinnaanermut tunngavissat

Siunnersuuteqartup isumaata parlattuanik paasissutissanik tamanik aallersinnaasoqarlunilu saqqummiussisinnaasoqarneranik Naalakkersuisut akissuteqarnerminni isumaqarnerat pissutaalluni suliami aalajangersakkat ataasiakkaat pillugit paasissutissat ataatsimiititaliamit takujumaneqarsimapput.

Taamaattorli Naalakkersuisut tamanna eqqarsaatiginagu ataatsimut apeqqutitut akissuteqarnissartik qinersimagaat ataatsimiititaliamit maluginiarneqarpoq. Ilaatigut apeqqutitut akissitigineqartut tunngavigalugit, ataatsimiititaliaq nammineerluni paasissutissanik katersinissani siunertamut pitsaasuusutut nalilersimavaa, aalajangersakkat sorliit atorlugit paasissutissanik pissarsiniarsinnaaneq kiisalu saqqummiussisinnaaneq ataatsimiititaliamit pissusissamisoortutut isigineqarsimavoq.

Tabel nr. 1 Meeqqat atuarfiani paasissutissat ilaasa aaneqarsinnaanerinit/tamanut saqqummiunneqarsinnaanerinit tunngavissat

Paasissutissat suussusaat	Naalakkersuisunut aaneqarsinnaasut	Pitsaassutsit pillugu Kommunit nalunaarutaat
Atuarfikkaartumik trinini inernerit	§ 37, imm.. 2	§ 49, imm. 2
Atuarfikkaartumik inaarutaasumik soraarummeernerit	§ 37, imm. 2	§ 49, imm. 2
Atuarfikkaartumik atuartut peqanngittarnerinit nalunaarutit	§ 37, imm. 2	§ 49, imm. 2
Atuarfikkaartumik ilinniartitsisut peqanngittarnerinit nalunaarutit	§ 37, imm. 2	§ 49, imm. 2
Atuarfikkaartumik atuartut ilinniakkamut assigissaanulluunniit ingerlaqqittartut	§ 37, imm. 2 tak. Tamatumunnga oqaaseqaatit	§ 49, imm. 3 – taannali suli atorneqanngilaq

Atuarfik pillugu inatsimmi § 37, imm. 2-mut kiisalu tamatumunnga oqaaseqaatinut Naalakkersuisut innersuussipput. Aalajangersagaq taanna 1.10-mik nalunaarsuineranut taaneqartartumut innersuussivoq. Aalajangersagaq imatut allassimavoq.:

§ 37. Kommunit Inatsisartut inatsisaannik uuminnga ingerlatsinerat Naalakkersuisut nakkutigissavaat.

Imm. 2. Naalakkersuisut paasissutissanik inatsit una naapertorlugu suliassamik isumaginissaannut pisariaqartut isigisaminnik kommunalbestyrelse piunaffigisinnaavaat.¹

§ 37, stk. 2-mut oqaaseqaatini allattorsimapput immikkoortut suut pineqarnersut. Uanilu makku pineqarput.:

Imm. 2-mut

Kommunalbestyrelsit paasissutissanik piunasaqarfigineqarsinnaanerannik pisinnaatitsissut inatsit malillugu Naalakkersuisut pisariaqartumik suliassamik ingerlatsinissaattut isigineqassaaq, tassaallunilu Naalakkersuisut nakkutiginninnerat suliassallu inatsimmi aalajangersakkat malillugit Naalakkersuisut suliassaat allat.

Tassaasinnaapput paasissutissat atuarfinni tamanni ukioqassutsit malillugit atuartut amerlassusaat, atuartut immikkut atuartinneqartut amerlassusaat, ilinniartitsisumut ataatsimut atuartut amerlassusaat, takuuk § 35, misilitsernenni misiliinernilu angusat, iliuusissatut pilersaarutit suliarineqarnerat, takuuk § 19 aamma kommunalbestyrelsit atuarfimmik nakkutiginninnerat pillugu paasissutissat.

[...]

Aalajangersagaq piviusuni oktobarip aallaqqaataani nalunaarutunik taaneqartartunik suliaqarnermut nassitsinernullu tunngavittut atorineqartarpoq, taakkulu tassaallutik paasissutissat arlallit tassaasut killiffinni misilitsinnerniit tiimit ilinniartitsisut atugaannut il.il. Siunertaavorli taakku pitsaassutsit pillugit nalunaarusianut atatillugit siunissami suliarineqartassasut. tak§ 49.

Ataatsimut isigalugu immikkoortunut takusassatut kissaatigineqartunut aamma kommunini pitsaassutsinik nalunaaruteqarnermi ilanngunneqarsinnaasunut Naalakkersuisut innersuussipput. Atuarfik pillugu inatsit tunngavigalugu nalunaarutit kommunalbestyrelsinit saqqummiunneqartussaapput:

§ 49. Atuarfiup pisortaa pitsaassuseq pillugu nalunaarusiortassaaq ukiumi atuarfiusumi pineqartumi 1. oktober sioqqullugu kommunalbestyrelsimut nassiunneqartussamik.

¹ Atuarfik pillugu inatsisartut inatsisaanni nr. 15 af 3. december 2012-meersuni, § 37, stk.1-2

Imm. 2. Pitsaassuseq pillugu nalunaarusiap imarisassavai ukiumi atuarfiusumi kingullermi nukarlerni akullernilu misilitsinnerni angusat, angajullerni inaarutaasumik misilitsinnerni angusat, iliuusissanik pilersaarusernerit, agguaqatigiissillugu klassini atuartut amerlassusiat, piffissaq atuartitsinermit atorpeqarpoq, napparsimanerit pillugit naatsorsuinerit, piffissaq vikarinit atorpeqartartoq, atuartunik atuarunnaartussanik ilinniagaqalernissaq inuussutissarsiummillu toqqaanissaq pillugit siunnersuinerup annertussusia aamma siuliani taaneqartup pitsaassuseq pillugu nalunaarusernerup malitseqartinnera.

Imm. 3. Naalaakkersuisut pitsaassuseq pillugu nalunaarusernissaq pillugu erseqqarinnerusunik aalajangersagaliorsinnaapput, tassani nalunaarutigalugu paasissutissat tapiliussassat pitsaassuseq pillugu nalunaarusernissaq.

Taamaattorli § 49, imm. 2-mi kommunit pitsaassutsimut Nalunaarutaanni taamaallaat "napparsimanermit peqannginnerit" pineqarneri ataatsimiititaliamit uparuagassaqqissutut isigineqarpoq. Oqaatsit "ilinniartitsisut peqannginneri" aamma "atuartut peqannginneri" uani siunnersuummi pineqartut napparsimanermit peqannginnerit tamakkiisumik matussutaasinnaasutut isigineqarsinnaanngillat. Taamatuttaarlu atuuppoq nalinginnaasumik atugassatut inatsimmi innersuussutigineqartoq "tiiminik atuartitsiviusunik annaasaqarneq". Aammaarlugu oqaatsip taassuma "ilinniartitsisut peqanngittarneri" matussuserinnaanngikkaa oqaatigineqassaaq. Tassani tiiminik atuartitsiviusunik annaasaqarnerup qaqugukkut nalunaarutigineqartarnera apeqqutaasussaavoq. Tiimi atuartitsiviusoq annaaneqassava? I). Meeqqat freertinneqarpata II) atuartut vikareqartinneqarpata III) piffissami sivikinnerusumi atuartut tiimii allangortinneqarpata. IV) klassini marlunnik ilinniartitsitsoqartussatut nalunaarsukkami vikari ataaseq atorpeqartillugu V) imaluunniit tiimi atuartitsiviusoq ilinniartitsisumik allamik vikarimilluunniit ingerlanneqarpata pisassallu atuartitsissutigineqaratik. "Tiiminik atuartitsiviusunik annaasaqarneq"-rup qanoq paasineqarnissaanik apeqqutip siunnersuinermit siuliani taaneqartumi ilanngunneqarnissaa ataatsimiititaliamit toqparneqarpoq. Tamatumunnga atatillugu Naalakkersuisoq akivoq:

"Akissut: Tiimit atuartitsivit annaneqartut imaluunniit atuartitsinngitsoornerit atuarfimmi naliliisarneq uppersaasiortarnerlu pillugit Namminersornerullutik Oqartussat nalunaarutaannut Ilitsersuummi ima nassuiarneqarput:

- *"ilinniartitsisut peqannginnera pissutigalugu tiimit atuartitsinissat unisinneqartut, atuartullu soraarnerannik pissuteqartut,*
- *Tiimit atuartitsinerit paarlattaasumik pituttorsimanngitsumik ingaerlanneqartut, pingaarnertut atuartunik nakkutiginninnssamik siunertaqarluni – matuma ataani pinnguarnertallit pisuttuarnertallillu. Tiimini taama ittuni ilinniartitsinissaq anguniarlugu, atuartut*

anguniagassaat iliuusissatullu pilersaarutit malillugit perorsaanissaq siunertaralugu pilersaarusiukkamik ilinniartitsisoqarneq ajorpoq.”

Aalajangersimasumik paarlattaasartunit atuartitsineq, atuartitsinertut annaaneqartutut isigineqarneq ajorpoq.”

Tulleriiareqqissaarluni nalunaarsuineq taanna ataatsimiititaliamit tusaatissatut tiguneqarpoq, taamaalillunilu oqaatigineqartariaqarluni “ilinniartitsisut peqannginnerat” aammalu “tiiminik atuartitsiviusunik annaasaqarneq”-tut nalunaarsorneqartut tamakkiisumik assigiittutut oqaatigineqarsinnaanngimmata.

Paasissutissanik kissaatigineqartunik pissarsiniarsinnaanermut tamanullu saqqummiussisinnaanermut tunngavissiissut taaneqartoq Naalackersuisut akissuteqaamminni annertuutigut ersarissaraat ataatsimiititaliaq isumaqarpoq – aamma – atuarfik pillugu inatsimmi oqaatsit atorneqartut siunnersuummi matumani oqaatsit atorneqartut assigeqqissaanngikkaluraat. Taamaattoq ukiuni kingullerni pitsaassutsimik nalunaarusiortarnerit isornartorsiorneqartarput. Tamatumani pineqarlutik nalunaarutit pitsaassusaat aammalu nalunaarutitik tunniussinngitsoortarnerit aalajangersimasut². Kommunit pitsaassutsimik nalunaarusiortarnerat pissutaalluni paasissutissanik aallersinnaanermut saqqummiussisinnaanermullu tungavissat pigineqareeraluartut, sulinermit taakku atorneqarnissaannut sulit unammilligassaqartoqartoq ataatsimiititaliamit paasineqarpoq. Taamaattumillu pitsaassutsimut nalunaarutit pitsanngorsarneqarnissaasa atorneqarsinnaassusiisalu kommunit suleqatigalugit eqqumaffigineqarnerulernissaannik suliniuteqarfigineqarnerunissaannillu Naalackersuisut ataatsimiititaliamit kaammattorneqarput. Tamanna Naalackersuisut nakkutilliinerannut, innuttaasut atuarfik pillugu paasisaqarnerunissaannut kiisalu kommunit akornanni misilittakkanik aveqatigiinnissamut iluaqutaassaaq.

5.2 Toqqorterivinni inunnut ataasiakkaanut paasissutissat ilisarineqarsinnaaneri

Ersarilluinnarpoq siunnersuuteqartup siunnersuutikkut matumuuna atuarfimmut tunngatillugu paasissutissanik pissarsiniartarneq saqqummiussisussaataitanerlu kissaatigimmagu. Ataatsimiititaliap Naalackersuisunut apeqquteqaataasa immikkoortuisa aappaanni ataatsimiititaliamit paasissallugu kissaatigineqarpoq, atuarfinnut tunngatillugu atuarfiit

² Ilaatigut takukkit. <http://knr.gl/kl/nutaarsiassat/pitsaassutsimik-nalunaarusiat-politikerinut-saqqummiunneqanngillat> aamma <http://knr.gl/kl/nutaarsiassat/kommune-kujallermi-meeqqat-atuarfiisa-inatsit-unioqqutippaat>

mikivallaarneri pissutaallutik atuarfiit qassit paasissutissat saqqummiussinnaassanngikkaat. Taamaalilluni atuarfiit mikinerit taakku paasissutissaataanni inuttut paasissutissat ilisarineqarsinnaassapput, nalunaarusianillu toqqorsivimmut kissaatigineqartutut ilanngussinnaatitaassanatik.

Naalakkersuisut ilisimatitsissutigaat Nunat tamalaat malittarisassa at tunngavigalugit trinikkaartumik inernernut paasissutissanik saqqummiisarnermi ikinnerpaaffiusussatut piumasarineqartoq tassaasoq inuit/atuartut arfineq pingasut pillugit paasissutissat. Tamatuma kinguneraa ukioq atuarfiusoq 2016/17-mut illoqarfinni atuarfiit sisamat kiisalu nunaqarfinni atuarfiit 53-it trinikkaartumik misilitsinnernik kiisalu misilitsinnernik saqqummiussinnaanerisa mattunneqarnerat. Kisitsisillu taakku nikerarnissaat ukiumiit ukiumut soorunami pisassaaq, tassami 3, kl.-ni aamma 7. kl.-ni trinikkaartumik misilitsittoqartarpoq, taamaallaallu 10. kl.-sit inaarutaasumik misilitsittarlutik. Naalakkersuisut ilisimatitsissutigaat tunngavigalugu inernilerneqarpoq ukiumi atuarfiusumi 2016/2017³ illoqarfinni atuarfiit sisamat kiisalu nunaqarfinni atuarfiit 21 trinikkaartumik misilitsinnernik inaarutaasumillu misilitsinnernik takussutissanik naatsorsoqqissaakkanik katersuivimmut ilanngussinnaassanngitsut. Taamatuttaarlu atuartunut uuttuutigineqartussatut kissaatigineqartumut kingullermut tunngatillugu tamanna ilisimatitsissutigineqarsinnaanngilaq, tassami “ atuarfinni ataasiakkaani atuartut qassit ilinniaqqiffiusunut assigusunulluunniit ingerlaqqissimanersut” pillugit paasissutissat tunniunneqarsinnaanngillat, tassami atuartut inaarutaasumik soraarummeersimasut naatsorsuutigineqartussaasorinarmata. Illuatugaatigulli ima isumaqanngilaq atuarfimmi atuartut imaluunniit ilinniartitsisut peqanngittarneri pillugit paasissutissat saqqummiunneqarsinnaanngitsut, tassami atuartut sulisullu amerlassusissaat arfineq pingasuusussaammata, naak ukioqatigiiaat ikikkaluartut. Naatsorsuutigineqaassaarli atuarfimmi ilinniartitsisut arfineq pingasuuppata ilimanarluinnartoq atuartut 50 missaanniinnissaat, tamatumalu soorunami nunaqarfinni atuarfiit amerlanersaat matutissallugit.

Siunersiuinermut siuliani taaneqartumut atatillugu ataatsimiititaliap apeqqutigaa:

”Paasissutissat ilaasa, tassami nunaqarfinni atuarfiit tamangajammik kiisalu illoqarfimmi atuarfiit 20%-tiisa atuartut ikippallaarnerat/atuarfiit mikivallaarnerat pissutigalugu naatsorsuutit takutissinnaanngippatigit

³ nalunarpaq nunaqarfinni atuarfiit qassit ullumikkut atuunnersut, tassami nunaqarfimmi pineqartumi atuarfiup ammaqqinneqarnissaanut piunasaqaat tassaamat ataatsimik atuartoqarnissaq, taamaattorli nunaqarfinni atuarfiit ullumikkut 54 missaanniittutut naatsorsorneqarsimapput.

naatsorsuisarnermi siunertarineqartoq naammaassineqartut Naalakkersuisunit isigineqarpa?"

Tamatumunnga Naalakkersuisut ilaatigut akipput:

"Naalakkersuisut isumaqarput, meeqqat atuarfiannut atatillugu ammasuunissaq ersarissuunissarlu kissaatiginartoq, tamannali inunnik paasissutissanik suliarinnittarneq pillugu inatsit taaneqartoq kiisalu ingerlatseriaaseq pitsaasoq naapertolugit pisariaqarpoq."

Naalakkersuisut akissutaat ataatsimiititaliamit ima paasineqarpoq, siunnersuutip matuma siunertaata eqquutsinneqarnissaa atuarfiutitta angissusaannit ajornarkusoortinneqartoq.

5.3 Paasissutissanik katersuviup atuussinnaanera

Naak atuarfik pillugu oqaluttuarisaaneq pitsaasuunngikkaluartoq atuarfiit, kommunit aamma Namminersorlutik Oqartussat misilittakkat pitsaasut ilinniutigalugit sakkussatut atorsinnaagaat siunnersuuteqartut ataatsimiititaliaq isumaqarpoq. Apeqqutaaginnarpoq, siunnersuutip matuma atuunnerani misilittakkanik agguaqatigiittarneq iluatsissanersoq imaluunniit ilimaginninnerit oqaluttuarisaanerlu pitsaanngitsoq annertuseriaannassanersut. Kissaatigineqartutut nalunaarsuutininik katersuiffimmi paasissutissatut attuumassutilli makkua allassimaneq ajorput:

- Takkutinngitsoornermi patsisaasoq (sivisuumik napparsimaneq, assigiinngitsunik patseseqarluni nappakulaarnerit, peqquteqarluni sulinnginnerit, pikkorissarnermut peqataanerit, ilinniarneq aamma soraarummeernermit nakkutilliisutut suliat il.il.)
- Atuartup piginnaasaqarnikkut/ isumaliutinik aqutsisinnaanikkut/ isumaliortaatsikkut/ timikkullu piginnaasai aallaavigalugit trininut inaarutaasumillu misilitsinnernut angusai eqqarsaatigalugit.

Atuarfiup meeqqatsinnut sunniutaanik kiisalu meeqqat angusaannik uuttueriaaserput takutitseriaaserpullu arlalinnik apeqqutissaqalersitsipput.

Atuarfik pillugu inatsimmi§ 22, imm. 1-4 –mi ima allassimasoqarpoq

§ 22. Atuartitsinermit ilaatillugu atuartut ataasiakkaat atuartinneqarnerminnit pissarsiaat ingerlaavartumik nalilerneqartassapput. Naliliinerup aallaavigisassavaa atuartup nammineq naliliinera, atuartitsinerullu

*pilersaarusoqqinneranut aamma atuartumut taassumalu angajoqqaavinut
atuartup atuaqqinnissaanut, ilinniagaqqaqqinnissaanut
inuutissarsiutigiumaagassaminillu qinigaqarnissaanut siunnersuinissamut
tunngaviussalluni.*

Imm. 2. *Atuartut angajoqqaallu, tak. § 34, atuartup atuarnermi
pissarsiaqarnera pillugu atuarfiup naliliineranik akuttunngitsumik
nalunaarfigineqartassapput. Tassunga atatillugu atuartup ilinniartitsisorisani
isumasioqatigalugit iliuusissatut pilersaarusiariisimasaa
oqaloqatigiissutigineqartassaaq § 19 naapertorlugu.*

Imm. 3. *Atuartup atuarnermi ingerlariaqqinnissaa pillugu
pilersaarusiornissamut tunngaviussamik nukarlerni akullernilu atuarnerp
naammassereernerani, atuartup atuarnermi pissarsiai nalilerneqartassapput.
Naliliinermi ilaatinneqassapput ingerlaavartumik naliliinerup inerner
aamma atuartup naliliinerup nalaani atuartitsinermi piginnaasassatigut
killiffii.*

Imm. 4. *Atuartup atuartitaanermi pissarsiai uppersaaserumallugit
angajullerni atuarneq atuartup atuarnermi pissarsiaanik ataatsimoortumik
naliliinermik inaarneqartassaaq. Naliliinermi angajullerni atuarsimanermi
ingerlaavartumik nalilerneqartarnerit inerner ilaatinneqassapput
taamatullu atuartitsissutini atuartup peqataaffiini tamani atuartup
killiffii ilaatinneqassallutik.*

(Ataatsimiititaliap erseqqissaanera)


Atuarfik pillugu inatsit tunngavigalugu trinikkaartumik misilitsinnernut (§22, imm. 3) aamma inaarutaasumik misilitsinnernut (§22, imm. 4) atuartup atuartitaanermiit kiisalu atuarfimmit pissarsiarisaanik uuttortaanissaq siunertaanera ersarippoq. Taamaalillugulu apeqquserneqarsinnaanngorpoq piffissami aalajangersimasumi angusat nuna tamakkerlugu sanillersuunneqarsinnaanersut. Ataani takussutissaq tamatuma nassuiarneqarneranut atuuppoq.

Naalakkersuinikkut aammalu inuiaqatigiinni ilaatigut meeqqat karakterimikkut angusaasa pitsaanngissusaat takutinniarlugit atuarfiit ingerlanerliortut agguaqatigiisillugu atuarfinnut pitsaanerusumik angusaqarsimasunut sanillersuullugit assersuutitut atortarpavut. Kisiannili atuarfiit taakkua tunngaviusumik ingerlanneqarnerat assigiinngilluinnarpat, paarlattuanillu atuarfiup pineqartup atuartut ataasiakkaat ilikkarsinnaanerminut piginnaasaiat atortissinnaanngorsimappagit, eqqarsaatigineqarsinnaavoq atuarfiup “pitsaanngitsumik ingerlasup” atuarfimmit misilittagaqarluartumit pitsaanerusumik aammalu atuartuutiminik

karakteriginnerutitsisumik meeqqat pikkorinninngorlugit atuartissimagai. Tamannarpiaavorlu ataani takussutissami piviusuusaartitami takutinniarneqartoq.

Takussutissaq nr. 1. Tunngaviusumik atuarfimmi atuarfiit assigiinngitsut pingasut assigiinngitsumik pingasunik atuartullit pillugit takussutissaq piviusuusaartitaq.

Nalinginnaasumik piginnaasat



Takussutissami takutinneqarput meeqqat assigiinngitsut pingasut atuarfinni assigiinngitsuni pingasuni ilinniartitsinermi siunertarisat tunngavigalugit angusassatut siunniussat malillugit atuartut piginnaasai nalinginnaasut. Takutitassami takuneqarsinnaavoq meeraq siulleg atuarfimmi atualernermit piginnaasatigut angusai pitsaanngitsut, naak piginnaasassatut angusassat atualernermit pitsaasuuniaraluartut. Paarlattuanik atuartoq nr. 3. Pitsaasumik ineriartorsimavoq, naak inaarutaasumik misilitsinnerup takutikkaluaraa pineqartuni taakkunani pingasuni pitsaannginnerpaamik angusaqarsimasoq. Atuarfik A-mi atuartumut pitsaasunik angusalimmut atuarfik C sanilliukkaanni oqaluttuaq eqqortoq imaappoq, atuarfik C-p atuarfik A-mit atuartuutini siunissami inuunissaanut pitsaanerusumik sakkussaanik

pissartissimagai. Taamaalilluni oqartoqarsinnaavoq Atuarfik C-p meeqaq atuarfiat pillugu inatsimmi aalajangersakkatigut piumasaqaataasut atuarfik A-mit pitsaannerusumik naammassisimagai.

Atuarfik pillugu paasissutissat tamatumunngalu nalunaarsuutit atuartut atuarfimmut isernerminnit atuarunnaarnissamik tungaanut ineriartorsimanerat takutittariaqaraluaaraat tassuuna ersepoq. Maannakkut atuartut ataasiakkaat fagini piginnaasaasa qanoq ineriartortinneqarsinnaanerat imaluunniit meeqaq nammineq piginnaasaasa ineriartortinneqarsinnaanerat pillugu suliassat politikerit sularisussanngorparput. Inatsisit atuuttut allangortinneqarnerisigut tamakku sulariniarivut tunngavilersorluarneqarsinnaavoq. Taamaaliornikkut meeqaq ataasiakkaat ilinniarteqqinneqarnissaanut pilersaarusiordermi nalilersuisarneq ingerlaavartuq trinikkaaralunilu misiliisarnerit tunngavigineqarsinnaapput. Paarlattuanik inaarutaasumik misilitsinnerup inernerit allanik atorneqartussaapput, tassa ilinniagaqarfigiumaagassanit il.il. taakku pisariaqartissavaat ilinniarfimmi iserfigisassamini ilinniarnissamut naleqquttunik atuartuq piginnaasaqarnerisigut takussallugu.

Atuartut ataasiakkaat nalilersorneqartarnissaannik atuarfik pillugu inatsimmi aalajangersakkat eqquutsinneqarpata ingerlaavartumik nalilersuisarneq, trinikkaarlugit misilitsinnerit naggataatigullu inaarutaasumik misilitsinnerit atuartup atuarfimmi pisarsiaanik kiisalu ilikkagassatut siunnerfinnut sanilliullugu piginnaasaanik ingerlaavartumik nutartikkamik takutitsissapput.

Siunersiuinermi Naalakkersuisut ima oqarput:

”Naliliineq tamakkiisoq taamaasilluni atuartut ataasiakkaat siunissami ineriartornissaannut ilikkagaqarnissaannullu atatillugu missingiisussaavoq, atuartitsinermullu ilaassalluni, anguniagaqarnermut – anguniakkap ilaanut – iliuuseqarnissamut pilersaarussianut – atuartitsinermut – naliliinermut atuartullu ataasiakkaat atuarnermi ilikkagassaannut nutaanut allanngorartitsillutik. Pingaarnertut ataatsimut naliliinissaq, atuartup ineriartonnissamut ilippanaataanik atuarnermilu piginnaasaanik naleqquttumik ersersitsisussaqaq siunertaavoq, taamaasillutik atuartut ineriartonneminni trininut tikilikkaminnut tulluurtumik atuarinneqarsinnaassallutik.”

Atuarfimmi naliliisarnissap kissaatigineqartup atornissaanut sunniuteqarnissaanullu atuagarsornikkut aallaavik ataatsimiititaliamit akuersaarneqarpoq. Taamaalillunilu atuartuq ilikkagaqarnissamut qanimut sapinngisani tunngavigalugit atuartinneqartariaqarpoq. Naalakkersuisut oqaaseqaataatigut ataatsimiititaliamit pingaartutut siuliani oqaatigineqartuq

erseqqissarneqarpoq, taamaalillunilu atuartup pissarsiai taamaalillunilu atuarfiup iluatsinnera trinkaarlugit misilitsinnerni inaarutaasumillu misilitsinnerni eqqortumik akisat procentiat kisiat aallaavigalugu takutinneqarsinnaanattillu oqallisigineqarsinnaanngillat. Taarsiullugu ineriartornerup ingerlasimanera ataatsimut ilisimasaqarfigineqartariaqarpoq.

5.4 Paasissutissanik toqqorsivimmik pioreersumik pitsanngorsaaneq

Naalakkersuisut akissuteqaataat tunngavigalugu Naalakkersuisut paasissutissanik toqqorsiviup pioreersup nutarterneqarnissaa eqqarsaatigigaat siunnersuutip siullermeerlugu oqaluuserineqarnerani ataatsimiititaliamit maluginiarneqarpoq.

Piffissaliunneqartumut kiisalu aningaasalersorneqarnissaanut tunngatillugu ataatsimiititaliap apeqquteqarneranut Naalakkersuisut akissuteqarnerminni ima paasissutissiipput:

“Ilinniartitaanermut Aqutsisoqarfik aamma Kalaallit Nunaanni Naatsorsueqqissaartarfik meeqqat atuarfiannut tunngassuteqartuni kisitsisitigut paasissutissiisarfimmik atoruminarnerusumik ineriartortitsiniarlutik oqaloqatigiittarlutik aallartinnikuupput. Naatsorsuutigineqarpoq trinikkaartumik misilitsittarnerit misilitsinnerillu inernerit pillugit paasissutissat pissarsiarineqarsinnaareersut Kalaallit Nunaanni Naatsorsueqqissaartarfiup maannakkut kisitsisitigut paasissutissaateqarfiatigut 2018-imi upernaap ingerlanerani pissarsiarineqartarsinnaalissasut. Tamatumunnga peqatigitillugu atuarfimmitt paasissutissat pillugit kommunit nalunaarutigisartagaasa ingerlaavartunngortinnissaannik pisariinnerulersinnissaannillu Ilinniartitaanermut Aqutsisoqarfik suliaqarpoq, taamaalilluni kisitsisitigut paasissutissat iserfigisarnissaat pisariinnerulissammat. Taamatut suliaqarnerup aningaasaliiviginissaanut annertunerusunik pisariaqartitsisoqarnissaa naatsorsuutigineqanngilaq.”

Akissuteqaat tamanna tusaatissatut ataatsimiititaliamit tiguneqarpoq.

6. Siunnersuutip aningaasatigut kingunerisassai

Inatsisartut suleriaasaanni § 33 imm. 1-imi takuneqarsinnaavoq, aalajangiussassatut siunnersuutip allaffissornermi aningaasatigullu kingunerisassai siunnersuutip tunngavilersuutaani nassuiaatigineqassasoq. Ataatsimiititaliamit maluginiarneqarpoq siunnersuutip piviusunngortinneqarnerani aningaasatigut kingunissaritinneqartut

siunnersuummut naapertuuttut. Tamatumunnga allatigut oqaaseqarnissamut
ataatsimiititaliamit pissutissaqartinneqanngilaq.


7. Ataatsimiititaliap inassuteqaataa

Ataatsimiititaliap **isumaqatigiittup** siunnersuut **itigartinneqassasoq** inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.




Vivian Motzfeldt
Siulittaasuugallartog



Laura Táunâjik



Peter Olsen



Anthon Frederiksen



Debora Kleist



Ilinniartitaanermut, Kultureqarnermut,
Ilisimatusarnermut Ilageeqarnermullu
Naalakkersuisoq

Ulloq: 05-09-2017
J.nr.:01.39.01.03-00189

UPA/UKA 2017 Imm. pillugu allakkatigut apeqqutit

UPA 2017-mi immikkoortup 64-ip suliarineqarneranut atatillugu atuarfinni ilinniartitsisut meeqqallu pillugit paasissutissat sorliit inatsisit tunngavigalugit pissarsiarineqarsinnaanersut kiisalu tamanut saqqummiunneqarsinnaanersut annertunerusumik paasissutissanik pisariaqartitsisoqartoq ataatsimiititaliamit nalilerneqarpoq, takuuk siunnersuuteqartup kissaataa.

Tamakku tunngavigalugit apeqqutit ataani allassimasut Naalakkersuisumit akissuteqarfigineqarnissaat ataatsimiititaliamit kissaatigineqarpoq.:

- 1) Paasissutissani tamanullu saqqummiussinissamut aalajangersakkat tunngavigineqartut Naalakkersuisunit eqqortumik nassuiaateqarfigissagaat kissaatigineqarpoq:
 - a. Atuarfikkaartumik trinnikkaarlugit inernerit
 - b. Atuarfikkaartumik soraarummeerutaasumik misillitsinnerit
 - c. Atuarfikkaartumik atuartut peqannginneri katillugit
 - d. Atuarfikkaartumik ilinniartitsisut peqannginneri katillugit
 - e. Atuarfikkaartumik atuartut qassit atuarfimmit ilinniakkamat assigisaanulluunniit toqqaannartumik ingerlaqqinnersut
- 2) Inuttut paasissutissanik illersuisarnermi malittarisassat atuuttut tunngavigalugit atuartukinneq/ilinniartitsisut amerlassusaat peqqutaallutik paasissutissat tamanit takuneqarsinnaasut atuarfiit qassit saqqummiussinnaangikkaat Naalakkersuisut paasissutissiissutigissagaat qinnutigineqarpoq.
- 3) Soorlu Naalakkersuisut akissuteqaataanni takineqarsinnaasooq paasissutissanut katersuiffimmik inuttaasunut atoruminarnerusumik ineriartortitsinissamut qanoq piffissaliisimanerlutik kiisalu qanoq aningaasalersorneqarnissaanik Naalakkersuisut nassuiaateqarnissaat kissaatigineqarpoq.



INATSISARTUT

Naalakkersuisut akissuteqaataata kalaallisut danskisullu allassimasup tiguneqarnissaa ataatsimiititaliamit qilanaarineqarpoq kiisalu akissuteqaatip ina@ina.gl-mut kiisalu ataatsimiititaliap allattaanut rfr@ina.gl atorlugit nassiuteqquneqarput.

Kultureqarnermut, Ilinniartitaanermit, Iisimatusarnermit Ilageeqarnermullu
Ataatsimiititaliaq sinnerlugu

Mimi Karlsen

Ataatsimiititaliamut siulittaasoq



Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliaq.

Ilannussaq 2

Ukua pineqarput: UPA2017/UKA2017 imm. 64 pillugu allakkatigut apeqqutit.

20-09-2017

Suliap nr.

Allakkat nr.

Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliap atuarfinni ilinniartitsisut meeqqallu pillugit paasissutissat sorliit inatsisit tunngavigalugit pissarsiarineqarsinnaanersut kiisalu tamanut saqqummiunneqarsinnaanersut pillugit UPA2017/UKA2017 imm. 64 pillugu apeqqutit akeqqullugit Naalakkersuisut qinnuigai. Apeqqutigineqartut taakku kingulliini apeqqutit tamarmik kingornisigut ingerlaannartumik matumuuna akineqartassapput:

Postboks 1029

3900 Nuuk

Oqarasuaat: +299 34 50 00

Fax.: +299 32 20 73

Email: ikiin@nanoq.gl

www.nanoq.gl

- 1) Paasissutissani tamanullu saqqummiussinissamut aalajangersakkat tunngavigineqartut Naalakkersuisunit eqqortumik nassuiaateqarfigissagaat kissaatigineqarpoq:

- a. Atuarfikkaartumik trinnikkaarlugit inernerit
- b. Atuarfikkaartumik soraarummeerutaasumik misilitsinnerit
- c. Atuarfikkaartumik atuartut peqannginneri katillugit
- d. Atuarfikkaartumik ilinniartitsisut peqannginneri katillugit
- e. Atuarfikkaartumik atuartut qassit atuarfimmii ilinniakkamut assigisaanulluunniit toqqaannartumik ingerlaqqinnersut

Akissutit:

Imm. a aamma b-mut tunngatillugu oqaatigineqarsinnaavoq, meeqqat atuarfiat pillugu Inatsisartut inatsisaat nr. 15, 3. december 2012-imeersumi § 23-mi kommunalbestyrelsi pisussaammat atuarfinit tamanit trinnikkaarlugit inernerit tamanut saqqummiuttasallugit soorluttaaq taamatut saqqummiussineq imatut pisassasoq inernerit (angusat) inunnut ataasiakkaanut tunngatinneqartassanngitsut.

Imm. a, b, c aamma d-mut tunngatillugu meeqqat atuarfiat pillugu inatsimmi § 37, imm. 2-mi takuneqarsinnaavoq Naalakkersuisut paasissutissat pisariaqartinneqartut tamaasa kommuninit pissarsiariniartarsinnaagaat. Aalajangersakkamut oqaaseqaatini takuneqarsinnaavoq taamatut piginnaatitaaffimmuut ilaasut Naalakkersuisut nakkutilliinermik suliassaat aamma suliassat Naalakkersuisut inatsimmi aalajangersakkat naapertorlugit suliassarisaat. Tassaasinnaapput paasissutissat atuarfinni tamani ukioqassutsit malillugit atuartut amerlassusaat, atuartut immikkut atuartinneqartut amerlassusaat, takuuk § 35, ilinniartitsisumut ataatsimut atuartut amerlassusaat, , misilitsernemi misiliinermilu angusat, iliussissatut pilersaarutit suliarineqarnerat, takuuk § 19 aamma kommunalbestyrelsit atuarfimmik nakkutiginninnerat pillugu paasissutissat.

Taamatutaaq aalajangersakkamut oqaaseqaatini takuneqarsinnaavoq aalajangersagaq 1. oktober nalunaaruteqarnernik taaneqartartunik, tassaasunik paasissutissanik trinnikkaartumik misilitsinnerniit ilinniartitsisut nalunaaquttap akunnerinik suliffigisimasaannik il.il. suliaqarnermut nassiussuinerullu sulinermi atorineqassasoq.

Apeqqut 1-imi pissutsinut taaneqartunut tamanut tunngatillugu taamatutaaq pissusissamisussaaq meeqqat atuarfiat pillugu inatsimmi pitsaassutsimik nalunaarusiap suliareneqarnissaanut pisussaaffeqarneq pillugu § 49-mut innersuussissalluni. Aalajangersakkami imm. 2-mi takuneqarsinnaavoq pitsaassuseq pillugu nalunaarusiap imarisassavaí ukiumi atuarfiusumi kingullermi misilitsinnerni angusat, angajullerni inaarutaasumik misilitsinnerni angusat, iliuusissanik pilersaarusionerit, agguaqatigiissillugu klassini atuartut amerlassusiat, piffissaq atuartitsinermit atorineqarpoq, napparsimanerit pillugit naatsorsuinerit, piffissaq vikarinit atorineqartartoq, atuartunik atuarunnaartussanik ilinniagaqalernissaq inuussutissarsiummillu toqqaanissaq pillugit siunnersuinerup annertussusia aamma siuliani taaneqartup pitsaassuseq pillugu nalunaarusiornerup malitseqartinnera.

Tassunga atatillugu inatsimmut nalinginnaasumik oqaaseqaatini takuneqarsinnaavoq kommunalbestyrelsip pitsaassutsimik nalunaarusiaq tamanut saqqummiuttassagaa. Taamatutaaq aalajangersakkamut oqaaseqaatini takuneqarsinnaavoq pitsaassutsimik nalunaarusiaq atortussiaasoq atuarfinni ataasiakkaani pitsaassutsimik naliliisarneq ineriartortitsinerlu pillugit kommunalbestyrelsip, ingerlatsiviup atuarfiillu akornanni aqqissuussamik uppersaasiisarnermut suleqatigiinnermullu qulakkeerinnissutitut. Tamatuma saniatigut allassimasoqarpoq nalunaarusiaq atuarfeqarfiup pitsaassusia pillugu ammasuunnissamut ilapittuutaassasoq, taamaaliornissarmi pisariaqarmat pitsaassutsit pitsanngoriartortinnissaannut.

Peqatigitillugu aalajangersakkamut oqaaseqaatini takuneqarsinnaavoq imm. 2-mi paasissutissat taaneqartut tamakkiisuunnigitsut.

Aammattaarmi aalajangersagaq imm. 3-mik tapertalerneqarpoq, tassaasumik piginnaatitsissummik aalajangersakkamik, atorineqarsimanngitsumilli. Aalajangersagaq malillugu Naalackersuisut nalunaarusiornikkut pitsaassuseq pillugu nalunaarusiat atorineqarnissaat, taakku imarisassaat ilusilersornissaallu pillugit malittarisassiorsinnaapput. Allassimasoqarportaaq piginnaatitsissut ilaatigut assersuutigalugu inuusuttut ilinniartitaanerinit ingerlaqqittartut akulikissusiat pillugu paasissutissiisarneq pillugu malittarisassanik aalajangersaasarnermut atorineqarsinnaasoq, tamannalu taamaalilluni imm. 4e-mut tunngatillugu pisariaqartitaalluni.

Kiisalu meeqqat atuarfiat pillugu inatsimmi § 36, imm. 3 taaneqarsinnaavoq, taamatutaaq siullermeerinninnermi innersuussutigineqartoq. Taaneqareersutut aalajangersakkami tassani takuneqarsinnaavoq Naalackersuisut ilisimasanik eqiterineq aamma siammarterineq isumagissavaat meeqqat atuarfiannik kommunalbestyrelsip isumaginninnera nukittorsarniarlugu aamma nukinnik atorluaaneq sapinngisaq annertunerpaaq anguniarlugu.

- 2) Inuttut paasissutissanik illersuisarnermi malittarisassat atuuttut tunnga-vigalugit atuartukinneq/ilinniartitsisut amerlassusaat peqquataallutik paasissutissat tamanit

takuneqarsinnaasut atuarfiit qassit saqqummiussinnaan-ngikkaat
Naalackersuisut paasissutissiissutigissagaat qinnutigineqarpoq.

Akissut:

Nunani tamalaani kisitsisitigut paasissutissiisarnermi ileqqorineqartut nalinginnaasumillu atugaasut oqarput paasissutissanik tamanut saqqummiussisoqartassanngitsoq paasissutissat inunnut kinaassusersisisinnaasunik paasissutissanik imaqarpata.

Trinnikkaartumik (ingerlariarfikkaartumik) misiliisarnermut inaarutaasumillu misilitsinnernut killiliussaq taanna llinniartitaanermut Aqutsisoqarfimmit inunnut arfineq pingasunut aalajangerneqarsimavoq. Trinnikkaartumik misilitsittarnernut atuarfik arfineq pingasunit ikinnerusunik atuartoqarpat llinniartitaanermut Aqutsisoqarfiup trinnikkaartumik misilitsittarnernut karakterinillu paasissutissaateqarfiani atuarfik taanna atuarfiup angusaanik paasissutissarsiffiginiarneqarsinnaanngilaq. Atuarfiit taakku skemami kingulliiniittumi allattorsimapput:

	Illoqarfiit	Nunaqarfiit
Kommune Kujalleq	0	10
Kommuneqarfik Sermersooq	1	8
Qeqqata Kommunua	0	5
Qaasuitsup Kommunua	3	30

Kisitsisit 2017-imeersuupput. Kisitsisit taakku ukiumiit ukiumut 3. aamma 7. klassini atuartut taamatullu atuarunnaartussat misilitsittussat amerlassusii apeqqutaallutik allanngorarsinnaapput.

Oqaatigineqassaarlut atuarfiup pisortaa tamatigut atuarfimmik angusanik takunnissinnaajuaannartarmat naak atuarfik pineqartoq pisortat paasissutissaateqarfianni ilaanngikkaluarpuunniit.

- 3) Soorlu Naalackersuisut akissuteqaataanni takuneqarsinnaasooq paasissutissanut katersuiffimmik inuttaasunut atoruminarnerusumik ineriartortitsinissamut qanoq piffissaliisimanerlutik kiisalu qanoq aningaasalersorneqarnissaanik Naalackersuisut nassuiaateqarnissaat kissaatigineqarpoq.

Akissut:

llinniartitaanermut Aqutsisoqarfik aamma Kalaallit Nunaanni Naatsorsueqqissaartarfik meeqqat atuarfiannut tunngassuteqartuni kisitsisitigut paasissutissiisarfirmik atoruminarnerusumik ineriartortitsinierlutik oqaloqatigiittarlutik aallartinnikuupput. Naatsorsuutigineqarpoq trinnikkaartumik misilitsittarnerit misilitsinnerillu inernerit pillugit paasissutissat pissarsiarineqarsinnaareersut Kalaallit Nunaanni Naatsorsueqqissaartarfiup maannakkut kisitsisitigut paasissutissaateqarfiatigut 2018-imi upernaap ingerlanerani pissarsiarineqartarsinnaalissasut. Tamatumunnga peqatigitillugu atuarfimmit paasissutissat pillugit kommunit nalunaarutigisartagaasa ingerlaavartunngortinnissaannik pisa-

riinnerulersinnissaannillu llinniartitaanermut Aqutsisoqarfik suliaqarpoq, taamaalilluni ki-
sitsisitigut paasissutissat iserfigisarnissaat pisariinnerulissamat. Taamatut suliaqar-
nerup aningaasaliiviginissaanut annertunerusunik pisariaqartitsisoqarnissaa naatsor-
suutigineqangilaq.

Inussiamersumik inuulluaqqusillunga


Doris J. Jensen



**Ilinniartitaanermut, Kultureqarnermut,
Ilisimatusarnermut Ilageeqarnermullu
Naalakkersuisoq**

Ulloq: 10-10-2017

J.nr.: 01.39.01.03-00189

**Ataasinngorneq 16. oktober 2017 nal. 10.00 ataatsimiittarfik "Erling Høegh"-imut
Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliamik siunersiueqateqarnissamut aggeqqusissut**

Kultureqarnermut, Ilinniartitaanermut Ilisimatusarnermut Ilageeqarnermullu ataatsimiititaliap UKA2017/64 pillugu matumuuna Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq siunersioqatigiinnissamut aggersarpaa.

Aallaqqaasiullugu UKA2017/64 Naalakkersuisut apeqqutitut nassiuuneqarsimasunut akissuteqarneranni ataatsimiititaliamit qutsavigineqassapput. Taamaattorli ataatsimiititaliamit pissusissamisoorsorinarpoq atuarfik pillugu Naalakkersuisut suleriaasiat kiisalu suut Naalakkersuisunut siunertarineqartut annertunerusumik paasisaqarfigissallugit. Tamakku tunngavigalugit ataani allassimasut pillugit siunersiuinermi oqaloqatigiissitiginissaat aaatsimiititaliamit kissaatigineqarluni.

Naatsorsueriaaseq:

Ilinniartitsisut peqanngittarnerannut atatillugu:

1. "Tiiminik atuartsivinnik annaaneqarnertut" nalunaarsuineq qanoq paasineqassava?

Atuarfik pillugu inatsisini § 22, imm. 2 allassimavoq trinikkaarlugit misilitsinnermi takutinneqassasoq "atuartup atuartsinermik pissarsiai". Naatsorsuutini tamanut ammasuni Naalakkersuisut nittartagaanni misilitsinnerit inernerit taakku allassimapput "inernerisanut procenti"

2. Naalakkersuisut qinnuigineqarput qanoq ilillugit atuartut ataasiakkaat atuartsinermi pissarsiaasa inernerit procentinngorlugit takutissiareqqullugit?

Iliuseqarnermi sunniutitut naatsorsueriaasaq nalinginnaasoq, assersuutigalugu atuartsinermi, takutinneqarsinnaavoq iliuseqarneq aallartitsinnagu aallartereersillugulu. Assersuutigalugu taamaaliornikkut atuartut ataasiakkaat atuartitaanermi pissarsiaat uuttorneqarsinnaapput. Assersuutigalugu soorlu atuartut ataasiakkaat misissorneqarsinnaapput atuarnep aallartinnerani, piginnaasassatut naatsorsuutigineqartut sanilliullugit. Kinguneranillu trinikkaartumik misiliinermi kiisalu inaarutaasumik misilitsinnermi taamatut misissueqqilluni.

3. Atuartumik aallaqqaammut misissuineq taamatullu ilikkagaqarsinnaanermut tunngaviliineq piginnaasatigut inuttullu atugarisat pissutaallutik atuarfiup aallartinnerani meeqqamiit meeqqamut assigiinngitsorujussuusinnaasut Naalackersuisut ataatsimiititaliamit isumaqataappat?
4. "Atuartup atuartitsinermik pissarsiaanik" nalilersuinermit atuartut piginnaasatigut inooriaatsikkullu assigiinnginnerujussuat qanoq ilillugit isiginiarneqartarpat?
5. Atuartut ataasiakkaat inernilersuinermit procentiisa 3. klassinngorneranni imaluunniit 7. klassinngorneranni misilitsinnermi atuartut atuartitsinermik pissarsiaqaataasa uuttortarneqarneranni inatsisitigut piumasaqaataasumut naammassinnineq Naalackersuisut qanoq nalilerpaat?
6. Atuarfimmi trinikkaartumik inernilersuinermit Naalackersuisut allaffeqarfiini tiimit suliffiusut qassit atorneqartartut Naalackersuisunut nalilernerqarpat? taassunga ilanngullugit ilinniartitaanermut pisortaqarfik kiisalu atuarfiit atuinerat?
7. Trinikkaartumik misilitsinnernut tiimit atorneqartartut trinikkaarlugit inernilersuinermit atorneqartartut naapertuuttut Naalackersuisunit isigineqarpat?

Atuarfimmut immikkoortortami naatsorsuinerut siunertai atuussinnaanerilu.

8. Inatsisini piumasaqaataasut saniatigut taamatut naatsorsuisarnermi suut siunertarineqartussat Naalackersuisunit kissaatigineqarpat: siunertaq tamanna ullumikkut naammassineqartarpat?

Apeqqu 8-mi akuersaartoqarpat:

9. Paasissutissat ilaasa, tassami nunaqarfinni atuarfiit tamangajammik kiisalu illoqarfimmi atuarfiit 20%-tiisa atuartut ikippallaarnerat/atuarfiit mikivallaarnerat pissutigalugu naatsorsuutit takutissinnaanngippatigut naatsorsuisarnermi siunertarineqartoq naammaassineqartut Naalackersuisunit isigineqarpat?
10. Naatsorsuinermit atortut siunissami saqqummiunneqarnissaat Naalackersuisunit naatsorsuutigineqarpat? (Atuarfinni atorfilittat ataasiakkaat atuartullu illersorneqarnissaat pillugit malittarisassat ataqqillugit). Naatsorsuinermit pissutsit suut ilanngunneqassanersut suullu ilanngunneqassannginnersut pillugit Naalackersuisut nassuiaateqarnissaat kissaatigineqarpoq.
11. Naatsorsuutit sulinermit qanoq atorneqarnissaat naatsorsuutigineqarpat aamma illoqarfinni anginerusuni kiisali nunaqarfinni atuarfinni aamma illoqarfinni atuarfinni minnerusuni qanoq atorneqarnissaat naatsorsuutigineqarpat?
12. Atuarfinnut tunngatillugu paasissutissat taakku tamanut saqqummiunneqarnissaat Naalackersuisunit naatsorsuutigineqarpat?
13. Naalackersuisut aqutigalugit nunatsinni naatsorsueqqissaartarfimmut siunissami kommunit paasiissutissanik nassiussisarnissaat naatsorsuutigineqarpat? Nunatsinni naatsorsueqqissaartarfimmut paasissutissanik nassiussisarnermit tunngatillugu inatsisini suut killissaritinneqarpat?
14. Atuarfik pillugu naatsorsuisarnermik ineriartortitsinermi Naalackersuisunit piffissaliunneqartoq sunaava?

15. Suli atualingitsunut imaluunniit immikkoortunut allanut tunngatillugu, assersuutigalugu meeqquerivinnik atuneq atuarfimmi pissarsiaqarnernut sanilliunneqarsinnaavoq, naatsorsuisarneq ilanngutsinneqartussatut Naalakkersuisunut naatsorsuutigineqarpa.

16. Immikkoortoq 64-mi paasissutissanik toqqorterisarnermut siunnersuuteqartup kissaateqarneranut Naalakkersuisut isummersoqquneqarput.

Siunnersuummut matumunnga tunngatillugu ataatsimiititaliamut paasissutissatut tunniunneqarsinnaasunik Naalakkersuisut eqqarsaatigisaqarpat?

Siunnersuinerup ingerlanerani apeqquaqartarnissaq ataatsimiititaliamit naatsorsuutigineqarpoq.

Ataatsimiititaliap aamma Iliniartitaanermut, Kultureqarnermut, Ilisimatusarnermut Ilageeqarnermullu Naalakkersuisup akornanni anguniakkat pillugit eqqartueqatigiinnertut iluseqartinneqarnissaa ataatsimiititaliamit anguniagaavoq – nalinginnaasumik pingaartitanik anguniakkanillu eqqartuinerulluni. Oqaloqatigiinnermi ammasumik eqqartuisoqartariaqarpoq.

Ataatsimiititaliap kissaatigaa apeqquutinut siuliani allassimasunut akissutit allaganngorlugit kalaallisut danskisullu siunersioqatiginnermut atatillugu tunniunneqarnissaat. Allakkiap qarasaasiakkut ina@ina.gl-mut aamma ataatsimiititaliap allattaanut uunga rfr@inatsisartut.gl-mut siunersioqatigiinnermut atatillugu nassiunneqarnissaa kissaatigineqarpoq. Allakkiap siunersuinerumut nassatarineqassappat ataatsimiinneq sioqqullugu ataatsimiititaliap oqalutnaanut allakkiap assilineranik tunniussisoqarsinnaappat qujassutigissavarput.

Kultureqarnermut, Iliniartitaanermut, Ilisimatusarnermut Ilageeqarnermullu
Ataatsimiititaliap sinnerlugu


Vivian Motzfeldt

Ataatsimiititaliami siulittaasup tullia



Ilanngussaq 4

KU-mut ataatsimiititaliap isumasioqatiginissaanut oqaaseqaatit

13-10-2017
Sagsnr.
Dok. nr.

Isumasioqatigiinnissamut matumunnga KU-mut ataatsimiititaliap qaaqqusineranut qujarusuppunga.

Postboks 1029
3900 Nuuk
Tlf: +299 34 50 00
Fax: +299 32 20 73
Email: ikiin@nanoq.gl
www.nanoq.gl

Apeqqu 1. "Tiiminik atuartitsivinnik annaaneqarnertut" nalunaarsuineq qanoq paasineqassava?

Akissut: Tiimit atuartitsivit annaaneqartut imaluunniit atuartitsinngitsoornerit atuarfimmi naliliisarneq uppersaasiortarnerlu pillugit Namminersornerullutik Oqartussat nalunaarutaannut Iltersuummi ima nassuiarneqarput:

- " ilinniartitsisup peqannginnera pissutigalugu tiimit atuartitsinissat unitsinneqartut, atuartullu soraarnerannik pissuteqartut,
- Tiimit atuartitsinerit paarlattaasumik pituttorsimangitsumik ingerlanneqartut, pingaarnertut atuartunik nakkutiginninnissamik siunertaqarluni – matuma ataani pinnguarnertallit pisuttuarnertallilu. Tiimini taama ittuni ilinniartitsinissaq anguniarlugu, atuartut anguniagassaat iliuusissatullu pilersaarutit malillugit perorsaanissaq siunertarlugu pilersaarusiukkamik ilinniartitsisoqarneq ajorpoq."

Aalajangersimasumik paarlattaasartunit atuartitsineq, atuartitsinertut annaaneqartut isigineqarneq ajorpoq.

Atuarfik pillugu inatsisini § 22, imm. 2 allassimavoq trinikkaarlugit misilitsinnermi takutinneqassasoq "atuartup atuartitsinermik pissarsiai". Naatsorsuutini tamanut ammasuni Naalakkersuisut nittartagaanni misilitsinnerit inernerit taakku allassimapput "inernerisanut procenti".

Apeqqu 2. Naalakkersuisut qinnuigineqarput qanoq ilillugit atuartut ataasiakkaat atuartitsinermi pissarsiaasa inernerit procentinngorlugit takutissiareqqullugit?

Akissut: Aallaqqaasiutigalugu oqaatigineqassaaq, atuarfik pillugu inatsimmi atuuttumi § 22, imm. 2-mi, ataatsimiititaliap innersuussiffigisaani, allassimamat, "atuartup atuarnerminit pissarsiaqarnera pillugu atuarfiup naliliineranik atuartut angajoqqaallu akuttunngitsumik nalunaarfigineqartassapput". Aalajangersagaq tamanna alloriarfinni misilitsinnernut tunngangilaq.

nalunaarfigineqartassapput". Aalajangersagaq tamanna alloriarfinni misilitsinnernut tunnganngilaq.

§ 22, imm. 3-milu erserpoq, atuartup atuarnermi ingerlariaqqinnissaa pillugu pilersarusiornissamut tunngaviusussamik nukarlerni akullernilu atuarnernup naammassereernerani, atuartup atuarnermi pissarsiai nalilerneqartassapput. Naliliinermi ilaatinneqassapput ingerlaavartumik naliliinerup inerneru aamma atuartup naliliinerup nalaani atuartitsinermi piginnaasassatigut killiffii.

Kisiannili atuarfimmi naliliisarneq uppersaasiortarnerlu pillugit Namminersornerullutik Oqartussat nalunaarutaat nr. 2, 9. januar 2009-meersumi § 27, imm. 1, naggat tulleg naapertorlugu, alloriarfimmi misilitsinnerit "atuartut, angajoqqaat, tassunga ilanngullugit angajoqqaarsiat imaluunniit atuartumik isumaginittunit allanit ilinniartitsisuiinillu atuartup ilikkagassatut anguniagassanik qanoq angusaqarsimatigineranik nakkutigineqartumik nalilersuissutississavai". Tassa ilikkagassatut anguniagassat misilitsinnermut toqqarneqartut. Nukarlerni akullernilu alloriarfiit naammassilernerini nalunaarusiornissamut atugassatut atuartut misilitsittarput. Atuarfimmi naliliisarneq uppersaasiortarnerlu pillugit Namminersorlulik Oqartussat nalunaarutaat nr. 2, 9. januar 2009-meersumi § 19 imm. 1 aamma § 21 imm. 1 takukkit.

Nassuiaat aamma ingerlaavartumik naliliineq tunngavigalugu suliarineqassaaq, nalunaarut qulaani taaneqartoq naapertorlugu atuartitsinermut atatillugu atuartup 3. klassimi nammineq suliaminik saqqummiussineranik kiisalu 7. klassimi sammisaq naapertorlugu suliaqarneranik ilinniartitsisup suliarisassaanik.

Taamaasilluni meeqqat atuarfianni naliliisarnermut tunngaviuvoq, naliliinerit tamarmik, alloriarfiit akornanni ikaarsaariarnermi alloriarfinni misilitsinermi atuarfiup iluani/ ingerlaavartumik naliliinerit imaluunniit avataanit naliliinerit pineqaraluarpata, atuartut ataasiakkaat ilikkariartornerinik ineriartornerinillu tapersersuiniarluni siunertaqartarmata. Naliliinerittaaq atuartitsinissamut pilersarusiornermut atuartitsinermullu ilinniartitsisup naleqquttumik toqqaanissaanut ikiuutaassapput, tamatumuunalu atuartut ataasiakkaat pisariaqartitaat assigiinngitsut naapertorlugit ilinniartitsinerup siunnerfikerneqarnissaanut tapertaassalluni. Atuartitsineq naliliinerlu siunnerfikerneqassapput, atuartullu ataasiakkaat ilinniarnissamut piginnaasaannik tapersiissallutik, taamaasillutik atuartut tamarmik pissanganartumik, unammillernartumik isumalimmillu atuarneq misigissallugu.

Tamanna tunngavigalugu ilisimatitsissutigineqassaaq, atuartut atuartitaanermit pissarsiaat inerneru procentinngorlugit takutinneqarneq ajormata. Qulaani taaneqartutut alloriarfinni misilitsinnerit atuartup atuartitsinermi pissarsiaanik naliliinermut taamaallaat atorput.

Alloriarfinni misilitsinnernut kisitsisitigut paasissutissat inerneru procentinngorlugit naatsorsorneqarpata, kisitsisitigut paasissutissat tamatumani kisimik pineqarnerat pissutaavoq. Procentinngorlugit inernerit taamaasillutik paasissutissaasivinni nalunaarutinilu il.il. kisitsisitigut paasissutissiat naatsorsornerisigut atuartukkaanut tunngassuteqartarput, tassa atuartunut ataasiakkaanut tunngassuteqartaralik.

Iliuseqarnermi sunniutitut naatsorsueriaasaq nalinginnaasoq, assersuutigalugu atuartsinnermi, takutinneqarsinnaavoq iliuseqarnek aallartitsinnagu aallartereersillugulu. Assersuutigalugu taamaaliornikkut atuartut ataasiakkaat atuartitaanermi pissarsiaat uuttorneqarsinnaapput. Assersuutigalugu soorlu atuartut ataasiakkaat misissorneqarsinnaapput atuarnep aallartinnerani, piginnaasassatut naatsorsuutigineqartut sanilliullugit. Kinguneranillu trinikkaartumik misiliinermi kiisalu inaarutaasumik misilitsinnermi taamatut misissueqqilluni.

Apeqqu 3. Atuartumik aallaqqaammut misissuineq taamatullu ilikkagaqarsinnaanermut tunngaviliineq piginnaasatigut inuttullu atugarisat pissutaallutik atuariup aallartinnerani meeqqamiit meeqqamut assigiinngitsorujussuusinnaasut Naalakkersuisut ataatsimiititaliamit isumaqataappat?

Akissut: Aap, Naalakkersuisut ataatsimiititaq isumaqatigaat, atuartut atuarneminni assigiinngitsunik tunngaveqarsinnaasut. Alloriarfinnili misilitsinnernik atuartup piffissap ingerlanerani ineriartorneranik naliliinissaq siunertarineqanngilaq, taamaallaalli 3. aamma 7. klassit naammassilernerini ilikkagassatut anguniagaasunut naleqqiullugu atuartup killiffigisaanik naliliinerullutik.

Kisiannili kommunit, atuariit imaluunniit ilinniartitsisut misilitsinnernik allanik, atuarnemut misilitsinnermik assigisaanillu atualeqqaarnermi imaluunniit atuartsinerup aallartinnerani atuisinnaanissaat aammalu ukiup atuariusup naanerani imaluunniit atuartsinerup naanerani nutaanik uuttortaanissaat inatsisinik killilersorneqanngilaq.

Apeqqu 4. "Atuartup atuartsinnermik pissarsiaanik" nalilersuinermi atuartup piginnaasatigut inooriaatsikkullu assigiinnginnerujussuat qanoq ilillugit isiginiarneqartarpat?

Akissut: Alloriarfinni misilitsinnerit eqqunneqarnikuupput ilinniartitsisut nalilersuineritut tapertaasussatut. Atuarifik pillugu inatsimmi § 22, imm. 3 naapertorlugu nukarlerni aamma akullerni atuartsinerup kingorna atuartup pissarsiaanik tamakkiisumik naliliisoqassaaq. Naliliineq, atuartut ataasiakkaat atuarnep nanginnerannut pilersaarusiornissaq siunertaralugu pisussaq, atuartup sammisani ilikkagassatut anguniakkanut qanoq qanorlu annertutigisumik angummassinnaaneranut naliliinernik imaqassaaq. Alloriarfiit naammassineqarnerini atuartut angajoqqaallu nalunaarutinik, ilassutitut oqaaseqaatinik il.il. naliliinerni tulliuttuni tunngaveqartunik tunineqartassapput:

- ingerlaavartumik naliliinerit tunngavigalugit ilinniartitsisup naliliineri aamma
- 3. klassimi atuartup nammineq suliamik saqqummiussinera,
- 7. klassimi sammisaq naapertorlugu suliaqarneq, kiisalu
- 3. aamma 7. klassimi alloriarfinni misilitsinnerit, taakkunani ilikkagassatut anguniagassat ilaat nalilerneqarlutik.

Naliliineq tamakkiisooq taamaasilluni atuartut ataasiakkaat siunissami ineriartornissaannut ilikkagaqarnissaannullu atatillugu missingiisussaavoq, atuartsinnermullu ilaassalluni, anguniagaqarnermut – anguniakkap ilaanut –

iliuseqarnissamut pilersaarussianut – atuartitsinermut – naliliinermut atuartullu ataasiakkaat atuarnermi ilikkagassaannut nutaanut allanngorartitsillutik. Pingaarnertut ataatsimut naliliinissaq, atuartup ineriartornissamut ilippanaataanik atuarnermilu piginnaasaanik naleqquttumik ersersitsisussaq siunertaavoq, taamaasillutik atuartut ineriartornerminni trinimut tikilikkaminnut tulluurtumk atuarinneqarsinnaassallutik.

Apeqqu 5. Atuartut ataasiakkaat inernilersuinermit procentiisa 3. klassinngorneranni imaluunniit 7. klassinngorneranni misilitsinnermi atuartut atuartitsinermik pissarsiaqaataasa uuttortarneqarneranni inatsisitigut piumasaqaataasumut naammassinninneq Naalakkersuisut qanoq nalilerpaat?

Akissut: Atuartup ilikkariartornera allanneqareersutut makkuninnga nalilerneqassaaq:

- ingerlaavartumik naliliinerit tunngavigalugit ilinniartitsisup naliliineri aamma
- 3. klassimi atuartup nammineq suliamik saqqummiussinera,
- 7. klassimi sammisaq naapertorlugu suliaqarneq, kiisalu
- 3. aamma 7. klassimi alloriarfinni misilitsinnerit, taakkunani ilikkagassatut anguniagassat ilaat nalilerneqarlutik.

Taamaasilluni qulaani naliliinerit naammassineqarpata inatsit eqquutsinneqassaaq. Saniatigut innersuussutigineqarpoq apeqqu nr. 2-p akinerani atuarnermit procenti allassimasoq.

Atuarfik pillugu inatsimmi §§ 19 – 22-mi aalajangersakkat meeqqat atuarianni naliliinerup annertussusaanik ataatsimut nassuiaapput. Aalajangersakkat taakku naapertorlugit ulluinnarni atuartitsinermut aamma alloriarfinni misilitsinermut atatillugu ingerlaavartumik nalilersuisoqartassaaq. Tamanna aamma ilitsersuutini alloriarfinni misilitsinissaq sioqqullugu atuariannut nassiunneqartartuni erseqqissarneqarpoq, tassani ilaatigut allassimavoq "Taamaattumik paasissutissat alloriarfinni misilitsinnernit pisut kisimiitillugit atorneqassanngillat, paasissutissanilli naliliinernit siuliani taaneqartunit pisunik minnerunngitsumillu ulluinnarni atuartitsinermi pisunik ilaqartillugit atuartumut nalunaarusiornermi iliuusissatullu pilersaarusionerme atorneqartassapput."

Taamaalilluni alloriarfinni misilitsinnerit kisimik inatsimmi piumasaqaatinik eqqortitsinissamut naammangillat. Ulluinnarni atuarnermi atuartunik ataasiakkaamik ingerlaavartumik naliliisoqartassaaq.

Apeqqu 6. Atuarfimmi trinikkaartumik inernilersuinermit Naalakkersuisut allaffeqarfiini tiimit suliffiusut qassit atorneqartartut Naalakkersuisunut nalilerneqarpat? taassunga ilanngullugit ilinniartitaanermut pisortaqarfik kiisalu atuariit atuinerat?

Akissut: Inatsisiliornerup saniatigut Naalakkersuisoqarfimmi alloriarfinni misilitsinnerit pillugit toqqaannartumik tiiminik suliffiusunik atuisoqarneq ajorpoq.

Alloriarfinni misilitsinnerit piareersarnerinut, naammassinerinut suliareqqinnerinullu atatillugu ilinniartitaanermik Aqutsisoqarfiup ukiumut tiimit

suliffiusut 1.600-it missaat atortarpaat. Kisitsisit Ilinniartitaanermut Aqutsisoqarfimmi immikkoortortanut tamanut atuupput, soorlu Naliliisarfik, ilinniartitaanermi siunnersortit, naqiterivik/assiliartalersuisartut/toqqorsivik kiisalu ilinniartutut ikiortit.

Missiliorneqarpoq, sammisani alloriarfinni misilitsinnernik piareersaanermut, naammassinninnermut suliareqqiinemullu 5 tiimit missaat atuarfinni atorneqartartut. Taamaasillutik atuariit 80-it katillutik 2.800 tiimit missaat atortarpaat.

Apeqqu 7. Trinikkaartumik misilitsinnernut tiimit atorneqartartut trinikkarlugit inernilersuinernut atorneqartartutut naapertuuttut Naalackersuisunit isigineqarpat?

Akissut: Alloriarfimmi misilitsinnerit 2007-mi atulersinneqarmata, nalileeriaaseq atuarfinnut ilinniartitsisunullu nutaarluinnaavoq. Nukarliit akulliillu naammassilerneranni misilitsinnerit nutaarluinnaapput. Misilitsinnerit assigiissaakkat ataatsimullu naliliinerit inaarutaasumik misilitsinnerit sananeqarnerannit allaanerujussuupput. Saniatigullu naatsorsueriaatsit inernileeriaatsillu atorneqartut periutsinit 10. klassimi atorneqartartunit allaanerujussuullutik. Taamaattumik ilinniartitsisunut atuarfinnullu naliliinerit taama ittut piffissami sivirusi sungiunniarnarsimapput.

Ullumikkut alloriarfimmi misilitsinnerit ilinniartitsisunut atuarfinnullu, atuartunik ataasiakkaanik, klassinik atuarfinnullu naliliiniarnermut atortuupput nalinginnaasut. Atuartut ataasiakkaat sammisani sanngiiffiinik pikkoriffiinillu ilinniartitsisup paasiniaaneranut alloriarfimmi misilitsinnerit ullumikkut pinngitsoorneqarsinnaanngillat. Taamaasillutillu ilinniartitsisup pilersaarusioneranut atuartitsinermillu aaqqissuineranut atatillugu atortuullutik pingaaruteqarlunnartut. Alloriarfimmi misilitsinnernit inernernik ukiumoortumik inerniliinerit piffissap ingerlanerani sammisat ataasiakkaat ineriartornerannik killiffiannillu aamma takutitsipput. Takutitsinnerit taakku sionatigut pigineqarsimanngillat. Peqatigitillugu kommunalbestyrelsenut ukiumoortumik pitsaassutsimut nalunaarusionerni alloriarfinni misilitsinnerit inerneri atuariit tamarmik atortartussaavaat. Aamma atuariup angerlarsimaffiullu suleqatiginnerini alloriarfimmi misilitsinnerit qitiulluinnarlutik inissisimapput.

Pingaarnertut oqaatigineqarsinnaavoq, meeqqap atuarnermini pissarsiaanik naliliinerimut kiisalu meeqqat atuariani atuartitsinerup pitsaassusaata qaffassarniarneranut aammalu meeqqat inusuttullu meeqqat atuariannit anineranni ilinniaqqinnissaannut naammattunik piginnaasaqarneq ajornerannut pinaveersaartitsinnermut alloriarfimmi misilitsinnerit pingaaruteqartuupput.

Ukiumoortumittaaq alloriarfinnik misilitsinnerit pillugit nalunaarusiat sammisani ineriartornermik nuna tamakkerlugu, kommunini atuarfinnilu, kiisalu suliniuteqarfissat sorliit pisariaqarnerinik kissaatiginarnerinillu tamanut oqartussaasunullu paasissutissiipput.

Taamaattumik Naalakkersuisut isumaqarput, alloriarfinni misilitsinnernut atatillugu tiimit suliffiusut atorneqartartut allorfiarfinni misilitsinnernut atuinnermut siunertarisanik anguniakkanut tulluurtut.

Apeqqu 8. Inatsisini piumasaqaataasut saniatigut taamatut naatsorsuisarnermi suut siunertarineqartussatut Naalakkersuisunit kissaatigineqarpat: siunertaq tamanna ullumikkut naammassineqartarpa?

Akissut: Naalakkersuisut siunertaraat meeqqat atuarfii pillugit kisitsisitigut paasissutissiornissaq, qitiusumik, kommunini atuarfinnilu ataasiakkaani pisariaqartitanik eqquutsitsisussanik, taamaasilluni paasisat uppersaatillit tunngavigalugit aalajangertoqarsinnaassammat.

Kommunini atuarfinnik ingerlatsisut, atuarfinni siulersuisut, atuarfinni aqutsisut ilinniartitsisullu killiffimmik misissueqqissaarnissaminnut pilersaarusiornissaminnullu paasissutissanik taakkunannga pisariaqartitsipput, taamaasillutik ineriartornerit nalaatsornerinnarmik pissanngimmata, kisiannili atuarfeqarfimmut akuliunnerit misissuinernik kisitsisinillu paasissutissanik tatiginartunik tunngaveqassallutik, taamaasillutillu pingaarnertut erseqqissarluakkanik tunngaveqarlutik pisassasut.

Paasissutissat katersorneqarsimasut assigiinngitsorpasuppuput maannakkullu pisariaqartitanik matussusiinnermut atorneqarsinnaallutik, misissueqqissaqqinnissanulli, uppersaasiinissanut paasissutissanillu nutaanik katersinissamut pisariaqartitseqqittoqalissagalarpat, Naalakkersuisut siunissami pisariaqartitanik eqquutsitsinissamut piareersimapput.

Apeqqu 9. (apeqqut nr. 8-mut akissut akuersaarneqarpat)
**Paasissutissat ilaasa, tassami nunaqarfinni atuarfiit tamangajammik kiisalu illoqarfimmi atuarfiit 20%-tiisa atuartut ikippallaarne-
rat/atuarfiit mikivallaarnerat pissutigalugu naatsorsuutit takutissin-
naangippatigut naatsorsuisarnermi siunertarineqartoq naammaas-
sineqartutut Naalakkersuisunit isigineqarpa?**

Akissut: Kisitsisitigut paasissutissanik saqqummiinissaq imaluunniit saqqummiinnginnissaq inunnik paasissutissanik suliarinnitarneq pillugu inatsimmi atuuttumi aalajangersarneqarpoq. Kisitsisitigut paasissutissat tamarmik saqqummiunneqarsinnaallutillu saqqummiuttariaqarput, inun-
nut ataasiakkaanut, inatsisitigut pisinnaatitaasunut imaluunniit suliffeqarfinnut il.il. atassuserneqarsinnaangippata.

Naalakkersuisut isumaqarput, meeqqat atuarfiannut atatillugu ammasuunissaq ersarissuunissarlu kissaatiginartoq, tamannali inunnik paasissutissanik suliarinnitarneq pillugu inatsit taaneqartoq kiisalu ingerlatseriaaseq pitsaasoq naapertorlugit pisariaqarpoq. Assersuutigalugu atuartut atuarnerminnit pissarsiaat pillugu paasissutissat

pisariaqartut ammasumik eqqartorneqarsinnaanngippata pissutsit pitsaanngitsut qulaajarnissaat aaqqiiniarlunilu iliuseqarnissaq ajornakusuusaaq.

Saniatigut kommunit atuarfiillu tamarmik alloriarfinni misilitsinnerit inernerit karakterinullu paasissutissaasivitik iserfigisinnaavaat, suliaqarfimmi tassani inatsisitigut killilersuisoqarlunilu aalajangersagaqaraluartoq.

Apeqqu 10. Naatsorsuinermit atorlut siunissami saqqummiunneqarnissaat Naalakkersuisunit naatsorsuutigineqarpa? (Atuarfinni atorfilittat ataasiakkaat atuartullu illersorneqarnissaat pillugit malittarisassat ataqqillugit). Naatsorsuinermit pissutsit suut ilanngunneqassanersut suullu ilanngunneqassannginnersut pillugit Naalakkersuisut nassuiaateqarnissaat kissaatigineqarpoq.

Akissut: Imm. 9-mut akissummi allassimasutut Naalakkersuisut kissaatigaat, ammasuuneq ersarissuunissarlu pisariaqarlunilu kissaatiginartoq, pisortanilu suliffeqarfinnut soorlu meeqqat atuarfiannut ilisarnaataasariaqartoq, taamaasillutik aalajangiisartut, innuttaasut ataasiakkaat tamallu paasissutissanut ilisimatitsissutinullu taakkununga pullaveqassammata, taamaasillutik tamanut paasissutissat, oqallinneq pilersarusiornerlu paasinartumik tunngaveqassammata.

Apeqqu 11. Naatsorsuutit sulinermit qanoq atorneqarnissaat naatsorsuutigineqarpa aamma illoqarfinni anginerusuni kiisali nunaqarfinni atuarfinni aamma illoqarfinni atuarfinni minnerusuni qanoq atorneqarnissaat naatsorsuutigineqarpa?

Akissut: Alloriarfinni misilitsinnerni kisitsisitigut paasissutissat karakterinullu paasissutissaasivik atuartut sammisani misilitsinnerni qanoq ingerlanerini misissuinermit inerniliinermullu ullumikkut atorneqartalereerput. Atuarfippassuit, illoqarfinni nunaqarfinnilu, atuarfinni ataasiakkaani killiffimmik paasiniaanermut siunissamilu suliniuteqarfigisassanik misissuinermit piareersarnermullu paasissutissat taakku atortarpaat, aammali atuartsinerit aqqissornerinut atortarlugit.

Misilitsinnerit ingerlanneqareeraangata ullumikkut nalinginnaasuvoq, atuarfinni ataasiakkaani aqutsisut ilinniartitsisut peqatigalugit paasissutissat taakku atorlugit atuarfimmi atuartsinerup naammassineqartup killiffianik paasiniaasarnerat, periusissanillu pilersarusiortarnerat atuarfimmilu siunissami ineriartorfissanik aalajangersaasarnerat.

Naalakkersuisut aamma ilisimavaat qitiusumik kommuninilu oqartussaasut kiisalu ilisimatuut paasissutissaasivimmit paasissutissanik suliaqarfimminni atuisarnerat.

Apeqqu 12. Atuarfinnut tunngatillugu paasissutissat taakku tamanut saqqummiunneqarnissaat Naalakkersuisunit naatsorsuutigineqarpa?

Akissut: Naalackersuisut ilisimatitsissutigisinnaavaat, atuarfinni kisitsisinik paasissutissanik ullumikkut suliaqartoqartalereersoq. Paasissutissat taakku tamanut saqqummiunneqassanerannut apeqqutaavoq paasissutissat taakku saqqummiunneqarnissaat isumaqarnerseq. Inatsisitigut killilersuinerit pingaartumik inunnik paasissutissanik suliarinnittarneq pillugu inatsit taakkuupput suut saqqummiunneqarsinnaanerannut killilersuisut.

Ilinniartitaanermut Aqutsisoqarfiup maannamut saqqummiuttareerpai Kalaallit Nunaanni Meeqqat Atuarfiat, Alloriarfimmi misilitsinnerit pillugit nalunaarusiat aamma Censorit nalunaarusiaat. Kommunit aamma pitsaassuseq pillugu nalunaarutiminnik saqqummiussisussaataapput, imminerminni atuarfimmuut tunngasunik paasissutissanik imaqartunik.

Apeqqu 13. Naalackersuisut aqutigalugit nunatsinni naatsorsueqqissaartarfimmuut siunissami kommunit paasissutissanik nassiussisarnissaat naatsorsuutigineqarpa? Nunatsinni naatsorsueqqissaartarfimmuut paasissutissanik nassiussisarnermuut tunngatillugu inatsisini suut killissaritinneqarpat?

Akissut: Atuarfik pillugu inatsimmi § 37, imm. 2, allassimavoq, atuarfiit pillugit paasissutissanik pisariaqartunik tamanik Naalackersuisut kommunit aallersinnaasut. Aalajangersagaq tamanna atuutsillugu, kommunit tamarmik paasissutissanik pisariaqartunik Ilinniartitaanerut Aqutsisoqarfimmuut tunniussisarput. Maannakkuugallartoq Ilinniartitaanermuut Aqutsisoqarfiup Naatsorsueqqissaartarfiullu akornanni oqaloqatigiinneq ingerlavoq, siunissami paasissutissat suut Naatsorsueqqissaartarfimmuut nuunneqartariaqarnerisut nuunneqartassanersullu.

Apeqqu 14. Atuarfik pillugu naatsorsuisarnermik ineriartortitsinerim Naalackersuisunit piffissaliunneqartoq sunaava?

Akissut: Meeqqat atuarfiat pillugu kisitsisinik paasissutissanik ineriartortitsineq suliaavoq ingerlaavartoq. Sulineq tamanna piffissanik aalajangersimasunik sinaakkuteqanngilaq.

Imaanneruvoq, pisariaqartitat assigiinngitsut kisitsisinik paasissutissat qanoq ittut suliarineqartarnerannut saqqummiunneqartarneranullu aqutsisuupput. Kisitsisinik paasissutissat qanoq ittut saqqummiunneqassanersut inatsisini atuuttuni piumasaqaatit aalajangersakkallu aalajangiisuusarput.

Apeqqu 15. Suli atualingitsunut imaluunniit immikkoortunut allanut tunngatillugu, assersuutigalugu meeqqerivinnik atuineq atuarfimmi

pissarsiaqarnernut sanilliunneqarsinnaavoq, naatsorsuisarneq ilanngutsinneqartussatut Naalakkersuisunut naatsorsuutigineqarpa.

Akissut: Suli atualinngitsunu atuarfimmilu kisitsisinik paasissutissat paasissutissallu pisariaqartitsisoqalerpat naleqquttuuppallu ataatsimut ingerlanneqarsinnaapput. T.i. meeraq atualerpat atuartup mappii suli atualinnginnermit meeqqat atuarfiannut nuunneqarnissaat pissusissamisoortuussaaq.

Apeqqtut 16. Immikkoortoq 64-mi paasissutissanik toqqorterisarnermut siunnersuuteqartup kissaateqarneranut Naalakkersuisut isummersoqquneqarput.

Akissut: Imm. 13-imut akissummi atuarneqarsinnaasutut, maannakkut llinniartitaanermut Aqutsisoqarfiup Naatsorsueqqissaartarfiullu akornanni, suliffeqarfiit taakku akornanni siunissami suleqatigiinnissaq paasissutissanillu nuussisarnissaq siunertaralugit oqaloqatigiittoqarpoq. Kisitsisaataateqarfissaq sunik imaqarpiassanersoq apeqqutaavoq, ukiakkut ataatsimiinnermi matumani Inatsisartut aalajangernissaat.

Apeqqtut 17. Siunnersuummut matumunnga tunngatillugu ataatsimiititaliamut paasissutissatut tunniunneqarsinnaasunik Naalakkersuisut eqqarsaatigisaqarpat?

Akissut: Meeqqat atuarfianni digitaalinningsaanissamut atatillugu, eqqarsaataavoq meeqqat atuarfianni misilitsittarnerit digitalinningsarneqassasut. Taamaasilluni paasissutissanik katersineq suliaqarnerlu sukkanerusumik pitsaanerusumillu ingerlasalissaaq, atuarfinnilu ataasiakkaani misilitsereernerit kingorna piffissap naleqquttup ingerlareernerani misilitsinnernit taakkunannga inernerit tamanut takusassanngortinneqarsinnaasalissallutik. Ineriartornerli tamanna Tele Greenland-ip Kalaallit Nunaannut tamarmut bredbåndimik siamarteriniarneranik killilersorneqarpoq.

Inussiarnersumik inuulluaqqusilluta
Med venlig hilsen


Doris J. Jensen